



**JAVNA USTANOVA
ZAVOD ZA ZDRAVSTVENU ZAŠTITU
ŽENA I MATERINSTVA
KANTONA SARAJEVO**

**INSTITUTION FOR HEALTH
PROTECTION OF WOMEN
AND MOTHERHOOD
CANTON SARAJEVO**

Broj: 10 – *933/1* -01/15
Sarajevo, *22.07.* 2015. godine

Na osnovu člana 64. stav (1) tačka a), člana 70. st. 1, 3. i 6. Zakona o javnim nabavkama („Sl. glasnik BiH“, broj 39/14), člana 30. i 39. Statuta JU Zavod za zdravstvenu zaštitu žena i materinstva Kantona Sarajevo, na preporuku Komisije za javnu nabavku broj: 10-965-05/15 od 20.07.2015. godine, u postupku javne nabavke potrošni medicinski materijal za potrebe Zavoda OP 10-01/15, Direktor Zavoda je donio

**ODLUKU
o izboru najpovoljnijeg ponuđača za LOT 2
sanitetski materijal u otvorenom postupku javne nabavke OP 10-01/15**

Član 1.

Prihvata se preporuka Komisije za javnu nabavku, broj: 10-965-05/15 od 20.07.2015. godine i okvirni sporazum za Lot 2 sanitetski materijal u postupku javnu nabavku potrošnog medicinskog materijala za potrebe Zavoda OP 10-01/15, dodjeljuje se ponuđaču Derby Trade d.o.o., Jovana Dučića br.1 76100 Brčko, ponuda broj: 477-06-15, od 25.06.2015. godine, za ponuđenu cijenu od 1.706,80 KM (hiljadusedamstošest i 80/100KM) bez PDV-a, kao najbolje ocijenjenom.

Član 2.

Prijedlog ugovora o nabavci dostavit će se na potpis izabranom ponuđaču Derby Trade d.o.o. po protoku roka od 15 dana, računajući od dana od kada su svi ponuđači obaviješteni o izboru najpovoljnije ponude.

Član 3.

Za realizaciju ove odluke zadužuje se APS i EFS Zavoda.

Član 4.

Ova odluka objavit će se na web-stranici Zavoda www.zzzm.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 10-611-01/15 od 01.06.2015. godine.

Javna nabavka je sprovedena otvorenim postupkom OP 10-01/15 – Lot 2.

Procijenjena vrijednost javne nabavke za Lot 2 bez PDV-a je 5.900,00 KM.

Obavještenje o nabavci broj: 567-1-1-8-3-1/15 poslano je na objavljivanje dana 01.06.2015. godine, a objavljeno je na Portalu javnih nabavki dana 01.06.2015. godine, sažetak obavještenja o nabavci objavljen je u „Sl. glasniku BiH“, broj 45/15 od 08.06.2015. godine, ispravka za obavještenje broj: 567-1-18-8-5/15 poslano je na objavljivanje dana 15.06.2015. godine, a objavljeno je na Portalu javnih nabavki dana 15.06.2015. godine, ispravka obavještenja o nabavci objavljena je u „Sl. glasniku BiH“, broj 49/15 od 22.06.2015. godine.

Komisija za javnu nabavku imenovana je Odlukom broj: 10-612-01/15 od 01.06.2015. godine.

Komisija za javnu nabavku dostavila je dana 20.07.2015. godine izvještaj o radu broj: 10-959-05/15 od 20.07.2015. godine, izvještaj o ocjeni ponuda za Lot 2 broj: 10-958/1-05/15, od 20.07.2015. godine i Preporuku o izboru najpovoljnijeg ponuđača za Lot 6 broj: 10-965-05/15 od 20.07.2015. godine, u postupku javne nabavke potrošnog medicinskog materijala za potrebe Zavoda OP 10-01/15.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri);
- da su blagovremeno zaprimljene 3 (tri) ponude;
- nije bilo neblagovremenih ponuda;
- **da su ponude ponuđača ENA d.o.o., Safet bega Bašagića br. 40, 71000 Sarajevo i Derby Trade d.o.o., Jovana Dučića br.1 76100 Brčko, prihvatljive;**
- **da ponuda ponuđača Semikem d.o.o. Omladinska 44, 71320 Vogošća, nije prihvatljiva iz sljedećih razloga:**

Semikem d.o.o. Omladinska 44 Vogošća, 71320 se isključuje zbog neispunjenja uslova za kvalifikaciju u skladu sa članom 68. stav (4) tačka i) Zakona o javnim nabavkama BiH.

U tenderskoj dokumentaciji u tački 7.1.13. navedeno je sljedeće:

7.1.13. U skladu sa članom 47. ZJN BiH, ponuda će biti odbijena ako ponuđač:

a) ako mu je račun kod poslovne banke bio blokiran u zadnjih 6 mjeseci od datuma objave obavještenja za predmetnu nabavku;

Ponuđač treba dostaviti sljedeći dokaz:

a) Fotokopija potvrde poslovne banke da račun nije bio blokiran u zadnjih 6 mjeseci. Navedena potvrda ne može biti starije od datuma objave obavještenja za predmetnu nabavku;

Ponuđač je u svojoj ponudi priložio potvrdu poslovne banke da račun nije bio blokiran u zadnjih 6 mjeseci u kojoj je datum izdavanja naveden **27.04.2015.godine**, a datum objave obavještenja je **01.06.2015. godine**, iz čega proizilazi da ponuđač nije dostavio traženi dokaz.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, Direktor Zavoda nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

ekonomski najpovoljnije ponude, odnosno broja bodova izračunatih na osnovu kriterija utvrđenih u obavještenju o nabavci i tenderskom dokumentu, kako slijedi:


	Naziv / ime ponuđača	Potkriterij 1	Potkriterij 2	Potkriterij 3	UKUPNO BODOVA
		Broj bodova	Broj bodova	Broj bodova	
1.	DERBY TRADE d.o.o.	70	16,66	10	96,66
2.	ENA d.o.o.	26,25	20	10	56,25

Izabrani ponuđač je, kako je gore navedeno, ocijenjen sa najvećim brojem **96,66 boda**.

Iz navedenih razloga, primjenom člana 64. stav (1) tačka a) Zakona o javnim nabavkama, te članova člana 30. i 39. Statuta JU Zavod za zdravstvenu zaštitu žena i materinstva Kantona Sarajevo, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.



DIREKTOR
Prim.mr.sc.dr. Mithat Kurtović

Dostaviti:

- Ponuđaču: **Ena d.o.o.**, Safet bega Bašagića br. 40, 71000 Sarajevo
- Ponuđaču: **Derby Trade d.o.o.**, Jovana Dučića br.1 76100 Brčko
- Ponuđaču: **Semikem d.o.o.**, Omladinska 44, 71320 Vogošća
- Komisiji za javne nabavke
- EFS
- APS
- a/a